

BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-1-173-15/24

Datum: 13.09.2024. godine

Na osnovu člana 61. stav 2. Zakona o upravi („Službeni glasnik Bosne i Hercegovine“, broj 32/02 i 102/09) i člana 132. Zakona o upravnom postupku („Službeni glasnik Bosne i Hercegovine“, br. 29/02, 12/04, 88/07, 93/09 i 41/13), a u vezi sa članom 49. alineja 8 Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine br. 59/07 i 59/09), na prijedlog Komisije za ocjenu usklađenosti rješenja o akreditaciji visokoškolske ustanove „Univerzitet u Sarajevu“, direktor Agencije za razvoj visokog obrazovanja i osiguranje kvaliteta *donosi:*

RJEŠENJE

U Državni registar akreditovanih visokoškolskih ustanova u Bosni i Hercegovini, izvršit će se upis visokoškolske ustanove „Univerzitet u Sarajevu“.

Upis će se izvršiti u Knjigu K1 Državnog registra akreditovanih visokoškolskih ustanova u Bosni i Hercegovini u skladu sa Rješenjem o institucionalnoj akreditaciji visokoškolske ustanove „Univerziteta u Sarajevu“ izdatog od strane Ministarstva za nauku, visoko obrazovanje i mlade Kantona Sarajevo broj. 27-03-34-3348-15/24 dana 24.07.2024. godine.

Period važenja akreditacije „Univerziteta u Sarajevu“ je **pet (5) godina od 25.08.2024. do 25.08.2029. godine.**

Za izvršenje ovog Rješenja zadužuje se ovlaštena osoba za vođenje Državnog registra akreditovanih visokoškolskih ustanova u Bosni i Hercegovini, u skladu sa aktom broj: 06-07-6-298-1/21 od 13.07.2021. godine.

Obrazloženje

Komisija za ocjenjivanje usklađenosti rješenja o akreditaciji, imenovana Rješenjem broj: 05-33-1-173-11/24 od 01.08.2024. godine, je Zapisnikom, broj: 05-33-1-173-11/24 od 05.08.2024. godine, a na osnovu Instrukcije o načinu ocjenjivanja usklađenosti rješenja o akreditaciji sa minimalnim standardima iz područja visokog obrazovanja i kriterijumima za akreditaciju visokoškolskih ustanova u Bosni i Hercegovini, broj: 06-02-1-766/11, od 04.11.2011. godine, izvršila ocjenjivanje usklađenosti Rješenja o akreditaciji visokoškolske ustanove „Univerzitet u Sarajevu“ broj 27-03-34-3348-15/24 od 24.07.2024. godine sa Odlukom o normama kojima

www.heg.gov.ba, e-mail: info@heg.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

se određuju minimalni standardi u oblasti visokog obrazovanja u Bosni i Hercegovini („Službeni glasnik Bosne i Hercegovine“, broj: 100/11, 29/19), Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 96/16) i Odlukom o kriterijima za akreditaciju studijskih programa prvog i drugog ciklusa studija u Bosni i Hercegovini („Službeni glasnik Bosne i Hercegovine“, broj 47/17), te dala prijedlog da se izvrši upis ove visokoškolske ustanove u Državni registar akreditovanih visokoškolskih ustanova u Bosni i Hercegovini.

S obzirom na činjenicu da u Rješenju Ministarstva za nauku, visoko obrazovanje i mlade Kantona Sarajevo broj: 27-03-34-3348-15/24 od 24.07. 2024. nije vidljivo kada je nastupila pravosnažnost, te da nisu navedeni datumi perioda važenja akreditacije, Agencija je aktom broj 05-33-1-173-13/24 od 08.08.2024. godine uputila Ministarstvu Zahtjev za dopunom podataka. U Agenciju je dana 30.08.2024. godine zaprimljen akt Ministarstva broj 27-03-34-3348-11/24 od 26.08.2024. godine kojim je pojašnjeno da je datum pravosnažnosti dan 25.08.2024. godine., te su dostavljeni ostali traženi podaci.

S obzirom na navedeno, direktor Agencije je donio ovo rješenje, te je stavljeno van snage Rješenje o upisu u Državni registar broj: 05-33-1-173-12/24 od 05.08.2024. godine.

Uzimajući u obzir prethodno navedene činjenice, a na osnovu člana 7. Pravilnika o vođenju državnog registra akreditovanih visokoškolskih ustanova u Bosni i Hercegovini („Službeni glasnik BiH“, broj: 91/11), odlučeno je kao u dispozitivu ovog Rješenja.


Uputstvo o pravnom lijeku: Protiv ovog rješenja može se izjaviti prigovor direktoru Agencije u roku od osam dana od dana prijema rješenja.

Prilozi:

1. Rješenje o akreditaciji visokoškolske ustanove „Univerzitet u Sarajevu“ broj: 27-03-34-3348-15/24 od 24.07.2024.
2. Zahtjev za dopunom podataka broj: 05-33-1-173-13/24 od 08.08.2024.
3. Dopuna podataka Ministarstva za nauku, visoko obrazovanje i mlade Kantona Sarajevo broj 27-03-34-3348-11/24 od 26.08.2024. godine.

Dostaviti:

- Sektor 05
- Ⓞ Ovlaštena soba za vođenje
Državnog registra akreditovanih visokoškolskih ustanova u BiH
- a/a



www.hea.gov.ba, e-mail: info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302



Broj: 27-03-34-3348-15/24
Sarajevo, 24.07.2024. godine

05.33-1-173-10

Na osnovu čl. 78. i 79. Zakona o visokom obrazovanju („Službene novine Kantona Sarajevo“, broj: 36/22) i člana 26. Pravilnika o akreditaciji visokoškolskih ustanova i studijskih programa („Službene novine Kantona Sarajevo“, broj: 48/23), ministrica za nauku, visoko obrazovanje i mlade Kantona Sarajevo donosi

RJEŠENJE
O INSTITUCIONALNOJ AKREDITACIJI VISOKOŠKOLSKE USTANOVE
„UNIVERZITET U SARAJEVU“

I

Visokoškolskoj ustanovi „Univerzitet u Sarajevu“ dodjeljuje se institucionalna akreditacija.

II

Rješenje o institucionalnoj akreditaciji izdaje se na period od pet godina.

III

Obavezuje se visokoškolska ustanova „Univerzitet u Sarajevu“ da najkasnije šest mjeseci prije isteka roka iz tačke II ovog rješenja podnese zahtjev za reakreditaciju.

IV

Rok iz tačke II ovog rješenja počinje da se računa od dana pravosnažnosti ovog rješenja.

Obrazloženje

Visokoškolska ustanova „Univerzitet u Sarajevu“ podnijela je Ministarstvu za nauku, visoko obrazovanje i mlade Kantona Sarajevo zahtjev za institucionalnu akreditaciju. Podneseni zahtjev Ministarstvo za nauku, visoko obrazovanje i mlade Kantona Sarajevo je zaprimilo pod brojem: 0101-2397/24 od 05.03.2024. godine.

Aktom, broj: 27-03-34-3348/24 od 19.03.2024. godine, Ministarstvo za nauku, visoko obrazovanje i mlade Kantona Sarajevo je zaprimljeni zahtjev dostavilo Agenciji za razvoj visokog obrazovanja i osiguranje kvaliteta BiH sa prijedlogom za imenovanje Komisije stručnjaka za akreditaciju, na osnovu kojeg je Agencija donijela Rješenje o imenovanju Komisije stručnjaka za akreditaciju, broj: 05-33-1-173-5/24 od 26.04.2024. godine.

Na osnovu Izvještaja i Mišljenja Komisije stručnjaka da visokoškolska ustanova „Univerzitet u Sarajevu“ ispunjava propisane uslove za akreditaciju, Agencija za razvoj visokog obrazovanja i osiguranje kvaliteta BiH donijela je Preporuku o akreditaciji visokoškolske ustanove „Univerzitet u



Sarajevu“, broj: 05-33-1-173-8/24 od 24.07.2024. godine, i istu dostavila na daljnje postupanje Ministarstvu za nauku, visoko obrazovanje i mlade Kantona Sarajevo.

Anlizirajući Izvještaj i Mišljenje Komisije stručnjaka za akreditaciju, kao i Preporuku Agencije za razvoj visokog obrazovanja i osiguranje kvaliteta BiH, Ministarstvo za nauku, visoko obrazovanje i mlade Kantona Sarajevo cijeni da su ispunjeni svi propisani uslovi za izdavanje institucionalne akreditacije podnosiocu zahtjeva, te donosi odluku kao u dispozitivu.

Po jedan primjerak ovog rješenja dostavlja se visokoškolskoj ustanovi „Univerzitet u Sarajevu“ i Agenciji za razvoj visokog obrazovanja i osiguranje kvaliteta BiH u cilju preduzimanja radnji i mjera propisanih Okvirnim zakonom o visokom obrazovanju BiH i Zakonom o visokom obrazovanju Kantona Sarajevo.

Pravna pouka: Protiv ovog rješenja može se pokrenuti upravni spor. Upravni spor se pokreće tužbom. Tužba se podnosi neposredno Kantonalnom sudu u Sarajevu, u dva primjerka, u roku od 30 dana od dana prijema rješenja. Uz tužbu se prilaže ovo rješenje.



Dostaviti:

- Visokoškolska ustanova „Univerzitet u Sarajevu“, Sarajevo, Obala Kulina bana 7/II;
- ⊖ Agencija za razvoj visokog obrazovanja i osiguranje kvaliteta BiH, Banja Luka, Ulica akademika Jovana Surutke 13;
- a/a.

BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-1-173-13/24
Datum: 08.08.2024. godine

Kanton Sarajevo
Ministarstvo za nauku, visoko obrazovanje i mlade
Reisa Džemaludina Čauševića 1
71 000 Sarajevo
e-mail: info@mon.ks.gov.ba

PREDMET: Zahtjev za dopunom podataka

Veza: Vaši akti br: 27-03-34-3348-15/24 od 24.07.2024. godine i 27-03-34-5641-12/24 od 24.07.2024. godine

Poštovani,

Agencija za razvoj visokog obrazovanja i osiguranje kvaliteta BiH zaprimila je od Ministarstva za nauku, visoko obrazovanje i mlade Kantona Sarajevo rješenja o institucionalnoj akreditaciji za „Univerzitet u Sarajevu“ i „Internacionalni univerzitet u Sarajevu“ (akti, broj i datum veze), u kojima se navedenim visokoškolskim ustanovama dodjeljuje institucionalna akreditacija na period od pet godina, te da rok počinje da teče od dana pravosnažnosti navedenih rješenja.


Imajući u vidu da u izrekama navedenih rješenja nije vidljivo kad je nastupila pravosnažnost, te da nisu navedeni datumi perioda važenja akreditacije, ovim putem Vas molimo, da nam u cilju postupanja u skladu sa nadležnostima koje su utvrđene članom 49. Okvirnog zakona o visokom obrazovanju u BiH, a koje se odnose na vođenje Državnog registra akreditovanih visokoškolskih ustanova u BiH dostavite nedostajuće podatke, odnosno:

- datume pravosnažnosti navedenih rješenja
- datume koji se odnose na period važenja akreditacije predmetnih visokoškolskih ustanova.

Unaprijed zahvaljujemo na saradnji.

S poštovanjem,

Dostaviti:
- Naslovu
- Sektoru 05
- a/a



Direktor
prof.dr. Enes Hašić

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302





05/109
E. Muhic

Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

30.08.24

Broj: 27-03-34-3348-11/24
Sarajevo, 26.08.2024. godine

05 33-1 17314

**AGENCIJA ZA RAZVOJ VISOKOG OBRAZOVANJA
I OSIGURANJE KVALITETA BOSNE I HERCEGOVINE**
Banja Luka, Ulica akademika Jovana Surutke 13

PREDMET: Zahtjev za dopunom podataka, informacija, dostavlja se

Poštovani,

Ministarstvo za nauku, visoko obrazovanje i mlade Kantona Sarajevo zaprimilo je akt Agencije za razvoj visokog obrazovanja i osiguranje kvaliteta/kvalitete Bosne i Hercegovine, broj: 05-33-1-173-13/24 od 08.08.2024. godine, kojim tražite da u skladu sa nadležnostima koje su utvrđene članom 49. Okvirnog zakona o visokom obrazovanju u BiH, a koje se odnose na vođenje Državnog registra akreditovanih visokoškolskih ustanova u BiH dostavimo sljedeće podatke: datume pravosnažnosti rješenja te datume koji se odnose na period važenja akreditacije za Univerzitet u Sarajevu i Internacionalni univerzitet u Sarajevu.

U pravnoj pouci rješenja o institucionalnoj akreditaciji visokoškolskih ustanova Univerzitet u Sarajevu i Internacionalni univerzitet u Sarajevu, Ministarstvo je navelo da se protiv naprijed navedenih rješenja može pokrenuti upravni spor, da se upravni spor pokreće tužbom te da se tužba podnosi neposredno Kantonalnom sudu u Sarajevu, u dva primjerka, u roku od 30 dana od dana prijema rješenja.

Članom 13. Zakona o upravnom postupku („Službene novine Federacije BiH“, br. 2/98, 48/99 i 61/22) je propisano da će prvostepeno rješenje postati pravosnažno:

- istekom žalbenog roka, a stranka nije izjavila žalbu;
- ako žalba nije dopuštena, a stranka nije pokrenula upravni spor.

Kako je rješenje o institucionalnoj akreditaciji visokoškolskih ustanova Univerzitet u Sarajevu zaprimio, dana 25.07.2024. godine te kako do danas nismo zaprimili podnesak Kantonalnog suda da je pokrenut upravni spor, proizilazi da je datum pravosnažnosti Rješenja o institucionalnoj akreditaciji visokoškolske ustanove Univerzitet u Sarajevu, broj: 27-03-34-3348-15/24 od 24.07.2024. godine, **dan 25.08.2024. godine.**

Također rješenje o institucionalnoj akreditaciji visokoškolskih ustanova, Internacionalni univerzitet u Sarajevu, zaprimio je dana, 29.07.2024. godine, Ministarstvo do danas nije zaprimilo podnesak Kantonalnog suda da je pokrenut upravni spor, tako da je datum pravosnažnosti Rješenja o institucionalnoj akreditaciji visokoškolske ustanove Internacionalni univerzitet u Sarajevu, broj: 27-03-34-5641-12/24 od 24.07.2024. godine, **dan 29.08.2024. godine.**



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

Kada je u pitanju period važenja akreditacije za Univerzitet u Sarajevu i Internacionalni univerzitet u Sarajevu, u Rješenju o institucionalnoj akreditaciji u tački II je navedeno da se izdaje se na period od pet godina.

Spoštovanjem,



Dostaviti:

- Naslovu;
- A/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba